

Broj: 01-14-1754-1/17
Sarajevo, 17.04.2017.godine

Na osnovu člana 53. stav 6. Zakona o javnim nabavkama („Sl.glasnik BiH“, broj: 39/14),
Federalno ministarstvo za pitanja boraca i invalida odbrambeno-oslobodilačkog
rata/Federalno ministarstvo za pitanja branitelja i invalida domovinskog rata, donosi:

ODLUKU

**o izmjenama i dopunama tenderske dokumentacije u postupku javne nabavke
servisiranja i opravke motornih vozila, te nabavka potrošnog materijala i rezervnih
djelova za vozila Federalnog ministarstva za pitanja boraca i invalida odbrambeno-
oslobodilačkog rata/Federalnog ministarstva za pitanja branitelja i invalida
domovinskog rata (redovna i za potrebe provođenja Revizije)**

Član 1.

Ovom Odlukom mijenja se tenderska dokumentacija po pokrenutom postupku javne nabavke servisiranja i opravke motornih vozila, te nabavka potrošnog materijala i rezervnih dijelova za vozila Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata (redovna i za potrebe provođenja Revizije), na slijedeći način:

1. U tenderskoj dokumentaciji tačka 3.5. pod b) koja glasi: -da je tehnički opremljen i osposobljen za tekuće održavanje i opravku motornih vozila u smislu da ima na raspolaganju originalni dijagnostički uređaj za dijagnosticiranje kvara na motornom vozilu i da su ovlašteni za ugradnju originalnih rezervnih dijelova od strane proizvođača ili ovlaštenog trgovca za područje Bosne i Hercegovine za vozila koja se odnose na LOT 2, **mijenja se tako da sada ista glasi:**

3.5. b) da je tehnički opremljen i osposobljen za tekuće održavanje i opravku motornih vozila u smislu da ima na raspolaganju dijagnostički uređaj za dijagnosticiranje kvara na motornom vozilu i da garantuju ugradnju originalnih rezervnih dijelova -za vozila koja se odnose na LOT 2

2. U tenderskoj dokumentaciji tačka 3.5. pod b) koja glasi: Potvrdu da ponuđač ima na raspolaganju originalni dijagnostički uređaj za dijagnosticiranje kvara na motornom vozilu, izdatu od generalnog zastupnika ili ovlaštenog trgovca za marku vozila koja se odnose na LOT 2, kao i potvrdu izdatu od strane proizvođača ili ovlaštenog trgovca za područje Bosne i Hercegovine ili ugovor za ugradnju originalnih rezervnih dijelova sklopljen sa proizvođačem ili ovlaštenim trgovcem za područje Bosne i Hercegovine, a koja se odnose na marku vozila za LOT 2, **mijenja se tako da sada ista glasi:**

3.5. b) Izjavu da ponuđač ima na raspolaganju dijagnostički uređaj za dijagnosticiranje kvara na motornom vozilu i izjavu kojom garantuju ugradnju originalnih rezervnih dijelova -za vozila koja se odnose na LOT 2

3. U tenderskoj dokumentaciji tačka 5.1. rečenica koja glasi Rok za dostavljanje ponuda ističe dana 08.05.2017. godine u 15:00 sati **mijenja se tako da sada ista glasi:**

Rok za dostavljanje ponuda ističe dana 15.05.2017. godine u 15:00 sati.

4. U tenderskoj dokumentaciji tačka 5.2. dio rečenice koja glasi: Javno otvaranje ponuda će se održati dana 08.05.2017. godine u 16:00 sati **mijenja se tako da sada ista glasi:**

Javno otvaranje ponuda će se održati dana 15.05.2017. godine u 16:00 sati

Član 2.

Izmjene i dopune koje su navedene u ovoj Odluci bit će objavljene na web portal e-nabavke danom donošenja Odluke o izmjenama i dopunama.

Član 3.

Ova Odluka objavit će se na web-stranici ugovornog organa istovremeno sa upućivanjem ponuđačima koji su preuzeli tendersku dokumentaciju.

Član 4.

Ova Odluka stupa na snagu danom donošenja i dostavlja se svim ponuđačima koji su preuzeli tendersku dokumentaciju.

Obrazloženje

Postupak javne nabavke pokrenut je Odlukom o pokretanju postupka nabavke broj:01-14-7174-3/16 od 30.12.2016.godine. Procjenjena vrijednost javne nabavke bez PDV-a za LOT 1 je 28 205, 13 KM i za LOT 2 je 42 735, 04 KM. Obavještenje o nabavci broj: 746-1-1-10-3-6/17 objavljeno je na Portalu javnih nabavki dana 06.04.2017.godine.

Ugovorni organ je u skladu sa Zakonom o javnim nabavkama i Uputstvom za pripremu modela tenderske dokumentacije i ponuda i Uputstvom o izmjenama i dopunama Uputstva za pripremu modela tenderske dokumentacije i ponuda izradila tendersku dokumentaciju.

Obzirom da je jedan od ponuđača koji je preuzeo tendersku dokumentaciju blagovremeno uložio žalbu na istu, ugovorni organ je razmatrajući žalbu utvrdio da je ista djelimično osnovana, te je odlučeno kao u članu 1. ove Odluke.

Dostavljeno:

1. Svim ponuđačima koji su preuzeli TD
2. Arhiva

MINISTAR
Doc.dr.Salko Bukvarević

